

শিখার
৩৭

বিশ্ববিদ্যালয়ের শিক্ষা কার্যক্রম
তদারকির জন্য মঞ্জুরি
কমিশনকে রাষ্ট্রপতির নির্দেশ

বাসস

রাষ্ট্রপতি ও বিশ্ববিদ্যালয়ের চ্যান্সেলর অধ্যাপক ড. ইয়াজউদ্দিন আহমেদ সরকারি ও বেসরকারি সব বিশ্ববিদ্যালয়ের শিক্ষা কার্যক্রম ও পরিবেশ তদারকির জন্য বিশ্ববিদ্যালয় মঞ্জুরি কমিশনকে নির্দেশ দিয়েছেন। গতকাল ব্র্যাক ইউনিভার্সিটির দ্বিতীয় সমাবর্তন অনুষ্ঠানে প্রধান অতিথির ভাষণে তিনি এ নির্দেশ দেন। রাষ্ট্রপতি বলেন, বিশ্ববিদ্যালয়গুলো যদি মানসম্মত শিক্ষা নিশ্চিত করে তাহলে সব ক্ষেত্রেই সফলতা অর্জন সম্ভব। একুশ শতকের চ্যালেঞ্জ মোকাবেলায় এবং দক্ষ মানবসম্পদ গড়ে তুলতে বিশ্ববিদ্যালয়গুলোর কর্তব্য গুরুত্বপূর্ণ ভূমিকা পালন করতে পারে। তিনি বলেন, আমাদের মেধা পাচার বন্ধ করতে হবে। মেধাবী ছাত্রছাত্রী ও শিক্ষকরা বিদেশে গিয়ে উচ্চতর ডিগ্রি গ্রহণ করে আর দেশে ফিরে আসেন না। ভবিষ্যতে এ প্রবণতা রোধ করার জন্য প্রয়োজনীয় পদক্ষেপ নিতে হবে। সমাবর্তন অনুষ্ঠানে বক্তব্য রাখেন ব্র্যাক ইউনিভার্সিটির পরিচালনা পরিষদের সভাপতি ফজলে হাসান আবেদ, ডাইস চ্যান্সেলর প্রফেসর জামিলুর রেজা চৌধুরী এবং সমাবর্তন বক্তব্য রাখেন ড. গওহর রিজভি।